



Universitätsbibliothek Paderborn

**Sapientissima Dei Mvndvm Regentis Gvbernatio; Ex qua
pendent, quæ vulgò in Casv, Fortvna, Fato, Esse Pvtantvr**

Stengel, Georg

Ingolstadii, 1645

§. 9. Mauritij Comitis miserias miserijs addere nolentis misericordia.

[urn:nbn:de:hbz:466:1-52314](#)

satis castigatos, ne vulnus nouum adderent
factæ cicatrici?

§. IX.

*Mauriti⁹ Comitis miseras miserijs addere nobis
lentis misericordia.*

Albertus
Cranz.
lib. 9.
Metrop.
cap. 40.

Sic egit Mauritius Comes Cloëmburgicus à Bremensi ciuitate, multis contumelijs; incensus: enim uero, acceptis à magistratu litteris, quæ hostilia illi denunciarent; ad arma prouocatus. Hic vias publicas diu infederat, ut omnem vrbi commeatum intercluderet. Ventus est ad prælium. Pugna commissa. Bremenses magna clade afflicti atque fugati sunt. Secutus est fugientes victor exercitus. Ad confinia ciuitatis vbi accessit, contra omnem belli morem, vidi portas ciuitatis apertas, neq; ab ullo milite custoditas. Misit speculatum, qui tantæ negligentiæ caussam indagarent. Illi, cum tripludio, retulerunt, penes Mauritium esse, si vellet, tota vrbe potiri; ciuium, desperata salute, domi se quemq; tenere, quod adeo immaniter pestis, vrbe tota, grassaretur. Ad narrationem hanc Mauritius altum ingemuit dicens: *Quia Rex supernus illam oppugnat urbem, nolo, ut accedat afflictis a Deo afflictio nostra. Multa mihi incunda, in hac urbe,*

urbe, fuerunt: si modo d̄s idemus, redibit aliquid tranquillitas & reconciliatio: retrahamus ab illis manus, quos castigat ferius rerum arbiter Deus, ne & in nos serpat contagio. Ita reduxit exercitum vir, qui eius urbis videtur dignus imperio, quod tam benigno fuit animo in afflictam. Post aliquot autem dies, pax, inter Mauritium & Bremenses sancita est. Agnouit itaque Mauritius, non à Fortuna, sed à summo rerum Gubernatore, pestem vrbi immissam, atq; eapropter nolebat infestare humana manu, quos videbat diuina correctione verberatos. Adeò prodest, non tantum patientibus mala; sed etiam spestantibus, agnoscere malorum, quæ hominibus incidunt, Deum authorem; quo imperante, & velut signum dante, vel in arma mittuntur, vel ab armis discedunt. Optarem hanc cogitationem ijs, quorum animus vindictę sitientissimus nullis potest miserijs, nullis inimici infortunijs satiari. Rident, quoties vident illum flere; &c, tristitia illius, gaudent; si ardet aduersarij dominus, pro aqua, oleum affundunt; si amisit pallium, rapiunt illi etiam indusium; si casu pedem fregit, caput illi diffractum esse vellent; denique si è vita est sublatus, omnibus

nibus verborum contumelijs mortuum infestantur. Quàm isti longè tutiùs, cum Mau-
ritio, vererentur, ne aduersarij malum,
quod, diuino iudicio non contenti, multi-
plicant, serpat, immo resiliat in multipli-
cantes,

Ouid. 5. *Exigat & dignas ultrix Rhamnusia pœnas?*

de Tri- §: X.

stib. eleg. *Deus homines Casibus innoluit, ut orandi pra-
9. beat occasionem; nec statim liberat, ut
orationem efficiat ardentiorem.*

I. Reg. 2. Prodest autem etiam ad hoc, scire Deum
7. esse, qui malis habenas laxet, aut ea, in ho-
mines excitet, ut nōrint placare eum, à quo
illa irritato nōrunt prouenire. Cum enim
ille sit, qui pauperem facit, & ditat; humiliat,
& subleuat, ad cuius opem potius recurre-

Psal. 3. 2. rent? Hac notitia instructus Dauid ait: *Do-
mine, quid multiplicati sunt, qui tribulant me?
multi insurgunt aduersum me?* Neque tamen
tam hoc miratur, quàm quod illico sequi-
tur: *Multi dicunt anime meæ: Non est salu-
ipſi, in Deo eins.* Quasi Deus tantum humiliet,
& non subleuet? Enimverò ea est Nu-
minis bonitas, ut clementer puniat, & iu-
stè parcat. Nam quem Deus plectit iratus,
peccantem; audit placatus supplicantem.

Audit